




Early European Books. Copyright © 2011 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 17-93/a








Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 1.7.93/a





Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 1.7.93/a



Early European Books. Copyright © 2011 ProQuest LLC.  
Images reproduced by courtesy of the Biblioteca Nazionale Centrale di Firenze.  
CINMAGL 1.7.93/a



HENRICI MEIBOMII *Book VII*  
*AD*  
SAXONIÆ *I*  
INFERIORIS IM-  
PRIMIS  
HISTORIAM  
INTRODVCTIO

In qua ab ultima notitia ad nostra  
usq; tempora breviter ejus historia delineatur, &  
de plerisq; Rerum Saxonicarum scripto-  
ribus editis & ineditis  
judicatur,



HELMESTADII,  
Typis & Sumptibus GEORG-WOLFGANGI HAMMII,  
Acad. Typogr. Anno 1686.









LECTORI BENEVOLO  
HENRICVS MEIBOMIVS

S. P. D.



Um initio hujus anni Academiae Ju-  
liae Regimen, à Reverendissimo & Se-  
renissimo Principe ac Domino, DN.  
ERNESTO AUGUSTO, Episcopo  
Osnabrugensi, Duce Brunsv. & Lyneb. clementis-  
sime mihi demandatum aggredere, illudque so-  
lemni oratione auspicandum mihi esset, nullum  
nobilius argumentum, quàm quod ipsum tempus,  
& labentes ad aures nostras quotidie rumores,  
suppeditarent, deligere mihi potui. Scilicet, in-  
gens tum erat ubique armorum apparatus, & Se-  
renissimi Duces omnes, exercitus sui, quem ha-  
ctenus ad Patriae, totiusque Saxoniae, defensio-  
nem

):( 2

nem



nem aluerant, magnam partem in Ungariam contra Turcos mittebant, subsidio Cafari Augusto, & tutandis orbis Christiani limitibus, ne illi, ceu ante biennium ceperant, rapinis & incendiis omnia implerent, perq; Ungariam Austriamque ipsi Germaniae excidium intentarent. Cujus expeditionis arduae necessitatem, justitiam, magnitudinemque exponere in proclivi quidem fuisset, non necessarium tamen, omnibus id scientibus & intelligentibus. Igitur in retro tempora, & Historiarum mihi assignatos campos, digressus nobili & eximia juvenum nostrorum concioni exposui, non nunc demum Expeditiones contra Turcos à SERENISSIMA DOMO suscipi, ipsosque DUCES contra Christiani nominis hostem militatum abire, sed esse illum nobilem & entheum ardorem quasi congenitum, & à sexcentis & amplius annis nihil magnum penè contra infideles in Europa gestum, cujus pars non fuerint: nullamque expeditionem susceptam, quam non Duces nostri virtutis & fortitudinis suae documentis juverint, auxerint, illustrarint. Hanc ergo orationem, Auditorio tum accommodatam, & flosculis eloquentiae exornatam, alio deinde stylo contexui, & veritatis ma-



144  
tis magis, quàm suavitatis studiosus, ipsa Anna-  
lium verba, barbara sæpe & horrida, ad dicta mea  
probanda adduxi, quæque ad illustrationem argu-  
menti facere videbantur, passim inserui. Et sic  
non indignam judicavi hanc narrationem, quæ ab  
aliis quoque legeretur, hocque potissimum tem-  
pore illam publicavi, quo non tantum Christia-  
nus orbis totus de tot victoriis contra Turcos  
obtentis sibi gratulatur, sed hæ imprimis regio-  
nes impensè lætantur, quod Serenissimum Princi-  
pem ac Dominum nostrum, DN. GEORGIUM  
LUDOVICUM, magni illius exercitus Impe-  
ratorem, saluum sospitemque videamus rediisse,

— *laurumq; superbam*

*In gremio foris, excisis de ponere Pænis.*

Quando orationem illam habebam, inter spem  
metumq; adhuc anxii, & præteriti anni minus fausta  
expeditione trepidi, vota ad DEUM fundebamus  
omnes, pro salute Principum, Ductorumque, &  
totius exercitus incolumitate: nunc tamen, non  
adeo multis amissis, quos gloria immortalisma-  
net, summis capitibus salvis, reducis exercitus

):( 3

illius



illius cunctos gratulabundi excipimus, qui periculum à Christianis aliis, nobisque, suo periculo depulerunt, Barbarisque irruituris generosorum corporum objectu viam occluserunt, receptaculaque illorum destruxerunt, & longius à nobis amandarent, ultra Danubii cum mari connubium mox propellendos. Maximas vero nunc eo nomine gratias debemus DEO Opt. Max. qui tot palmis exercitum nostrum beavit; qui non menses sed dies penè, victoriis urbiumque expugnationibus distinxit, ut, quæ initio belli hujus contigerunt, quæque superiori anno minus cesserunt feliciter, ad augendam hujus expeditionis magnitudinem, gloriamque, præcedere debuisse, arbitrer. Recensui ego ex Annalibus vetustis, quæ olim SERENISSIMA DOMUS contra infideles gessit: hæc ultima vero Expeditio Annales omnes, Fastoque omnes Implebit, si qui erunt, qui dignè omnia memorabunt, æquatis cum rei magnitudine cogitationibus, verbisque. Quod si Annales deficient, homines tamen nepotibus suis narrare, & quasi manu tradere, non cessabunt, & ipsa loca rei testimonium perhibebunt. Veniet tempus, quo posterius visere, visendumque tradere minoribus suis gestient,



14  
gestient, ubi BRUNSVICO-LYNEBURGICUS  
exercitus ad Neuheufelium steterit, ubi opera sua  
primus admoverit, ubi muros disjecerit, ubi GE-  
ORGIUS LUDOVICUS sua castra habuerit, ubi  
sudores ejus campus hauserit, fortitudinemq; susti-  
nere non potuerit hostis. Transibit in Orientem fa-  
ma, & transgredietur mare, MAXIMILIANO  
WILHELMO in Peloponneso quoque victore,  
fataliaque sibi in posterum illa arma putabit Tur-  
ca, quorum conjunctione facta, Christiani vince-  
re, Barbari fugere, Urbes expugnari, terræ & flu-  
mina jugum pati didicere. Crescet per has Victo-  
rias BRUNSVICO-LUNEBURGICÆ Domus  
gloria, suisque defendendis non impar censebitur,  
quæ aliis salva tecta, salvos focos, salva jura, salvam  
religionem præstare potuit. Non sine interiore  
sensu apud *Æncam Sylvium*, Senensem Cardina-  
lem, qui postea sub Pii II. nomine Pontifex  
Maximus sedit, in ejus libello de *Statu Europa* sub c. 14.  
*Frider. III.* legi, quod, cum Serenissimos Du-  
ces Nostros tota Germania nobilissimos esse, Otto-  
num sobolem, scripsisset, deinde addat: *eorum cla-  
ritatem, cum potentia, labente tempore defluere.*  
Nec



Nec negari forte potest, illo seculo decimo quinto  
multis de causis minus floruisse, minoremque  
inclytæ Domus potentiam fuisse; tanto vero ma-  
gis nunc gloriari possumus de claritate & poten-  
tia adaucta, sique nunc Cardinalis aliquis de Eu-  
ropæ statu sub Leopoldo I. scriberet, longe  
aliis verbis sibi utendum esse facile intelligeret,  
potentiamque Domus non parvam esse, clarita-  
tem vero à Visurgi & Albi ad Danubium fluere,  
& in Orientem ipsum usque propagari agnosce-  
ret. Det DEUS, ut nunquam non posteri nostri  
idem dicere, & quoque de Principum nostro-  
rum piis & felicibus contra Turcam expeditioni-  
bus gloriari semper possint! Dabam Helmstädt  
in Acad. Julia xx. Novemb. A. cix dcc lxxxv.

Quo.





Vocunque oculos mentesque nostras convertimus, ingentem armorum apparatus, nec in longinquis tantum, ad Danubium, & Germaniæ nostræ extrema, audimus, sed ante oculos interque manus nostras cernimus, qui tamen non contra Imperii cognatos Principes, non in vicinos christianos Reges, aut Respubl. sed versus Turcam, illum terrarum prædonem, & Christiani nominis juratum hostem dirigitur, accensis cum in aliorum, tum Serenissimorum Ducum nostrorum pectoribus novo igne, ad Germaniam à truculenti vicini barbarie, & puram religionem, veramque de DEO ejusque Filio fidem à spurcitie Mahometica defendendam. Igne, inquam, novo: qui tamen à sexcentis amplius annis ATESTINO-GVELPHICÆ gentis Heroum animos in fedit, & quacunque occasione ita agitavit, ut gloriam DEI contra infideles, Saracenos, Turcosque omni ope viribusque & proprio sanguine tueri annisi fuerint. Quæ quidem mihi nunc ex Annalibus recensere, tantò voluptas major est, quo non tantum Serenissimorum DOMINORUM nostrorum, Ducum Regentium omnium, intentior cura est, ut magno, duodecim penè millium, exercitu, laboranti Hungariæ & vicinæ Germaniæ

A



(2)  
maniae succurrant, sed ipsi PRINCIPES JUVEN-  
TUTIS, magni ERNESTI AUGUSTI filii, GEOR-  
GIUS LUDOVICUS, Imperator Exercitus, & reliqui  
duo, FRIDERICUS AUGUSTUS & MAXIMILIANUS  
WILHELMUS, ipso Serenissimorum corporum obje-  
ctu, dirum hostem arcere nituntur, gloriae aeternae  
litaturi. Dum scilicet Heroicos Patris & Cognatorum  
ausus: dum consilia, pia magis, incertum, an pruden-  
tia, intelligunt, continere se generosae mentes neque-  
unt, quin ipsae in partem gloriae veniant, nec vel Pa-  
tris provida monita, vel Matris preces, carissimo san-  
gvini, inter tot expeditionum bellicarum & praeliorum  
pericula, metuentium, avertere animos, magnarum  
rerum avidos, potuerunt. Et quid Achillem remo-  
rari poterit ad Trojam iturum? Rapitur semper indo-  
les excelsa ad similitudinem eorum, à quibus fluxit, se-  
culoque nostro reddere GVELPHI volunt virtutes eo-  
rum, quorum sanguine orti sunt. Quod si igitur libe-  
at alicui mecum in Historiarum campos exspatiari, non  
ipsos tantum, sed etiam antequam in hac Saxonia sedes  
fixerunt ATESTINO-GVELPHI, & per matrimonia  
terrarum harum Dominia nacti sunt, Uxorum Celsissi-  
marum Majores piis hujusmodi bellis maximè incl-  
tos fuisse inveniemus. HENRICUS sane, AUCEPS  
dictus, qui inter Saxones, primus, ad summum Im-  
perii culmen elatus est, & unde Gertrudis, Henrici Leo-  
nis mater, suam originem habet, bella tam fortiter,  
quàm feliciter plurima contra illos gessit, qui nondum  
Christo nomen dederant, Christianosque in hac Saxo-  
nia continuis bellis & deprædationibus infestabant, hinc  
quidem Dani & Slavi, inde vero Bohemi & Ungari.  
Anno-

sinem



VEN-  
EOR-  
reliqui  
ANUS  
obje-  
eternæ  
torum  
ruden-  
neque-  
el Pa-  
o san-  
torum  
narum  
remo-  
indo-  
xit, se-  
es co-  
r libe-  
i, non  
asedes  
monia  
elissi-  
inclu-  
ICEPS  
n Im-  
i Leo-  
rtiter,  
ndum  
Saxo-  
, hinc  
ngari.  
anno-

(3)

Annotavit hoc fide dignissimus scriptor *Adamus*, Ca-  
nonicus Bremensis, qui sec. XI. historiam Ecclesiasti-  
cam scripsit, quemque plerique in talibus presso pede  
sequuntur: *Henricus Rex* inquit jam tunc a puero ti-  
mens Deum & in ejus misericordiam totam suam habens  
fiduciam, Ungros quidem multis gravibusq; præliis trium-  
phavit; item Bohemos & Sorabos; ab aliis Regibus do-  
mitos, & ceteros Slavorum populos uno grandi prælio  
ita percussit, ut residui, qui pauci remanserant, & Regi  
tributum, & Deo Christianitatem ultro promitterent.  
Quinam fuerint illi Slavorum populi, quibusque tum  
nominibus appellati, discere licet, non ex hoc *Adamo*  
tantum, sed *Helmoldo* imprimis, initio chronici. Nec  
minus eos distinctè appellat *Witichindus*, quibus *Con-*  
*tinuator* *Reginonis* addit *Slavos Ucranos* ad An. 934.  
tributariosq; ab *Henrico* factos scribit; quod de suis Sla-  
vis accipit nuperus doctissimus *Carniola antiquæ* & no-  
væ scriptor *Schönleben* part. III. putatque esse infe-  
rioris Carniolæ incolas *die Unter-Crainen* cum sint si-  
ne dubio ex Slavos nostris *Ucri*, qui nomen reli-  
querunt integræ Marchiæ, dictæ *die Uckermark*.  
De Ungaris imprimis observari meretur, eos, cum, ex  
ultima Schythia orti, via ubique ferro factâ, in Pan-  
nonia confedissent, cum alibi Germaniam rapinis &  
incendiis vastasse, & tributariam sibi fecisse, tum Saxo-  
niæ quoque hoc tempore graves, ubique eam exscin-  
dere conatos, ita ut *Parochiam Bremensem Ungarorum*  
*impetu demolitam*, conqueratur modo laudatus *Adamus*,  
& quantam stragem fecerint, quanta monasteria succen-  
derint, melius judicet *silere Witichindus*, quam cala-  
mitates verbis iterare. Neque tamen, cum ferociam

l. i. h. ft.  
Eccl. c. 48.

p. 439.

l. 5. c. 45.

l. i. p. 10.

A 2

ſævæ



(4)  
sævæ gentis expenderet & militem suum in exercitum illis sustinendis, nec numero etiam, parē, prehenderet, totam Saxoniam salutem dubiæ belli aleæ exponere voluit, sed prudente consilio inducias novennales pactus, illo temporis spatio, cum alibi Barbaros minorum gentium subegit, tum patriam suam, excitatis passim urbibus castrisque, contra repentinas hostium incursiones munivit, & continuis exercitiis militaribus, quid contra hostes in bello agendum esset, pacis tempore cives edocuit. Frustra igitur deinde per Legatos suos à fortissimo Rege solita munera petierunt Ungari, illis non sine ludibrio & extrema ignominia remissis, cumque injuriam vindicaturi, ab omni parte Saxoniam gravi manu & numerosissimo milite invadere festinarent, non uno prælio victi sunt ab HENRICO, liberatis captivis plurimis, Ducibusque ipsorum vicissim captis, ceu narrat ea *Witichindus sub fin. l. i.* aliis post illum, & locum pugnae, & numerum caesorum barbarorum, in prælio A. C. 934. commisso, plenius expimentibus. Quibus tamen nunc missis, duo ex *Witichindo* addam, quorum alterum ad gloriam HENRICI, ad pietatem alterum pertinet. Victor enim reversus, liberata ab Hungaris Saxonia, *Pater Patriæ, rerum Dominus, Imperatorque, ab exercitu appellatus est*, & cum antehac tributum Ungaris datum fuisset, exigi quidem illud à suis voluit, sed *Divino cultui mancipari, & largitionibus pauperum deservire*, insigni pietatis argumento, quam etiam, erectis variis Episcopatibus, uberius declaravit. Non tamen ita domiti fuerunt hac clade Ungari, ut non animis ex intervallo resumtis, prædæ dulcedine priora vestigia legerent, mortuo scilicet  
HENRI-



HENRICO, & succedente OTTONE filio, cui Magni nomen res fortiter gestæ pepererunt. Ejus enim virtutem inter crudiora adhuc regni initia, probaturi Franciam intrantes, ab occidente invadere Saxoniam tentaverunt, Ottonis tamen armis mox feliciter repulsi. Non diu post vero feroces & inquieti hi Barbari, occupato alibi Ottone, in Saxoniam, & hæc ipsa, quæ nos incolimus, loca, invasionem fecerunt. Quod quidem exponere ex illius ævi Annalibus, & simul miseram illius temporis faciem considerare, & quantum Ottoni M. debeamus, perpendere, fortassis non injucundum fuerit, pium certe. *Witichindus*, quem ex illo ævo optimum & fidelissimum scriptorem habemus, Corbejensis monachus, in suis Annalibus, irruptionem 1.2. p.18. Barbarorum ita narrat, ut ipsa loca, quæ exercitu suo infederint, ante oculos nobis ponere non negligat. Disertè enim scribit, eos *super littus Bodæ fluminis castra collocasse*, meminitque Urbis *Stideraburg*, & Saltus *Thrimming*, unde facile conjicere licet, quousque Barbaros illos immanitas sua, in ipsa scilicet Saxonie nostræ interiora, detulerit. Saltus enim *Thrimming* non est alius, quàm qui hodie ad Oram & Alarim, in confinio Marchiæ veteris, Ducatumque Magdeburgici, & Brunsvicensis, hodie accolis der *Drömling* vocatur: nec *Stideraburg* aliud intelligitur, quàm quod non procul à Wolfenbüttelo, validum quondam & contra Hunnos, si famæ credimus, primitus exstructum castrum, nunc solo cænobio virginum Deo dicatarum, eo in loco à Friderunda, Altmanni, Comitis Olsburgensis, filia fundato, *Stederburg* dicto, notum hodie est. Castrorum vero Hungaricorum, seu Hunnicorum (uti



(6)

tum confundebant imperitiores ) super littus Bodæ fluminis collocatorum vestigia in nomine & ruderibus arcis ibi superesse, non vanâ conjectura arbitror. Non procul enim ab urbe Magdeburgo situm est *Unsburgum*, seu, ut in antiquis chartis vocatur, *Unnesburgum*, & à quibusdam scriptoribus *Hundsburgum*, ad Bodam fluvium, jam tum in Ottonis I. tabulis memoratum, Prædium hodie egregium, quod à Burchardo Archiepiscopo Magdeburgensi magna pecuniæ summa cœnobio suo emit Otto, Abbas Riddageshusanus A.C. 1032. ubi Castri alicujus rudera, antiqui operis, hodieque visuntur, quod, sive ab ipsis Hungaris, sive contra illos sub Henrico Aucupe exstructum, ab illis nomen habere, non dubito. Quomodo alterum Castrum, inter Magdeburgum & hanc nostrâ urbem, tertio ab utraq; milliari, *Hundsburg* vocatum, illustri gētis Alvenslebiæ hodie sedes, ante ducentos annos per Ludolphum ab Alvensleben à Bussone de Wantzleben emptum, sine dubio quoque à Barbaris illis nomen accepit, & hodieque servat. Et possem fortassis pluribus illorum in his locis vestigia ex nominibus ostendere, quod tamen alio loco rectius fiet; nunc tantum, in ipsa urbe Magdeburgo ea non deesse, verbis Viri, harum antiquitatum peritissimi, *Georgii Torquati*, ex Annalibus Magdeburg. & Halberstad. qui MSti penes me sunt, exponam. Cum enim de bello illo, tempore Ottonis M. gesto, differuisset; *In his, inquit, tumultibus & terroribus Hungaricis extructam Turrim illam lateritiam vulgo perhibent, quam supra dixi reliquam esse à veteri castello Romanorum Magdeburgk, nunc in cœnobium D. Mariæ Magdalene commutato. Appellatur enim der Hünen-Torn/ veluti Tartarorum turris ad Albim in mœnibus hujus urbis ex adverso Aule Ar-*



la Archiepiscopalis, posita a. d. 1239. edificatur metu Tar-  
tarorum, quorum crudelitatis fama tum terrebat uni ver-  
sam Germaniam. Et quia ex scapula & costa, ossibus  
corporis Hungarici viri, (in memoriam Hungaricorum  
bellorum posteritati in Magdeburga urbe suspensis, hac in  
templo D. Jacobi, illa vera D. Petri) non minus, quam  
ex mola Herculis, estimari potest, Hungaros fuisse corpo-  
ribus vastis atque proceris: ideo proverbiali locutione no-  
strates etiam hodie hominem prodigiosæ staturæ appellant  
einen großen Hünen. Ab ipsorum etiam morum ferita-  
te ac vultu horrido Germanica vox remansit Ungehir/  
quæ est affinis vocabulo Ungari.

Sed redeo ad Ottonem: à quo tum temporis Hun-  
gari ita cæsi & dissipati sunt, ut, teste Witichindo, dein 1. 2. p. 18.  
per triginta annos in Saxonia non apparuerint. Quin  
denique Otto in superiori Germania, Francorum Ba-  
joariorumque copiis auctus, in campo Lechfeld prope  
Augustam, anno sec. X. quinquagesimo quinto, Hun-  
garos, cum immensis copiis accedentes, tanta clade  
affecit, ut centum millia Barbarorum cæsa, nec intra  
ducentos annos quisquam Regum ante eum tantam  
victoriam obtinuisse scribatur. Non minus tamen ab  
altera parte contra Imp. Germanici & religionis Chri-  
stianæ infensissimos hostes Slavos Otto Imperator for-  
titudinis & potentiae suæ experimentis inclaruit, dicit-  
que hic iterum Adamus Bremensis multa paucis, con- 1. 2. hist.  
ferendo Henrici Patris & Ottonis filii res gestas: quos, Eccl. c. 3.  
inquit, Pater ejus uno grandi prælio domuerat, ipse Otho  
tanto deinceps DEI adjutorio constrinxit, ut tributum &  
christianitatem pro vita simul & patria libenter offerrent  
victori. Si verum tamen fateri volumus, Othonis qui-  
dem



dem auspiciis, Marchionum vero ejus Ducumque vir-  
tuti, pleraque debentur, & inter hos Hermannno Du-  
ci, Billingii filio, cujus abneptis Wulfildis, Henrici  
Nigri Ducis Bavariae uxor, omnium Ducum nostro-  
rum, ab illo Henrico recta linea masculina descenden-  
tium, magna Mater est. Illius enim Ducis Hermannii  
industriam, oppressosque ab eo Slavos, & trans Albim  
coactos, memorat saepius laudatus *Witichindus*.

Et hinc jam ad Ducum nostrorum Progenitores,  
Lineae masculinae, progredi, illorumque res contra  
infideles gloriose gestas exponere possem, nisi verbulo  
aliquid dicendum esset de Lothario Saxone, Imperato-  
re, cujus filia Gertrudis Henrici Leonis ex Henrico Su-  
perbo mater est. Nondum tum Slavi nomen Christo  
dederant, sed *de hominibus Christianis hostias mactabant,*  
*et illorum sanguine Deos suos delectari jactabant,* ut lo-  
quitur *Helmoldus*. Hos mascula virtute compescuit  
Lotharius, & A. C. 1134. castrum Sigeberg, de quo mul-  
ta idem *Helmoldus*, extruxit, *pro persecutione pagano-*  
*rum in Christianos,* ut habent ipsa Diplomatis Caesarei  
verba.

Chron.  
Slav. l. i.  
c. 52.  
c. 53.

Tandem igitur ad illos Principes, à quibus, nus-  
quam intercisa gentilitate, Duces nostri descendunt,  
mea delabitur oratio, & simul ad ipsos Turcos. Post-  
quam enim Imperii Romani provinciae diu per Sarace-  
nos gravissime fuerant afflictæ, Turci insuper ex Schy-  
thia advenientes, Asiam imprimis, crudelissimis inva-  
sionibus lacerarunt, Saracenorumque Calipharum di-  
scordiis in suam utilitatem conversis, imperium suum  
firmare coeperunt. Cum autem illi Christianis in Ori-  
ente graviores quoque ipsis Saracenis essent, omnibus-  
que



busque sancti nominis populis extremum excidium minarentur, occupata Terra Sancta, seu Promissionis, ut vocatur, & Hierosolyma, nunc à Sarracenis, nunc à Turcis, mox iterum ab illis possessa. Expeditio seu Bellum Sacrum in Concilio Claromontano anno sec. XI. nonagesimo quarto decretum est, annitente imprimis Urbano, Pontifice Maximo, ejus nominis secundo, plurimis Europæ Principibus cruce signatis, & ducentis millibus hominum simul euntibus, ut ipse occidens migrare in orientem videretur. Equidem vulgo hæc expeditio, & quicquid per eam actum, Gallis tribuitur, extantque hodie Historiæ belli illius, in unum volumen collectæ, quibus Editor, vir amplissimus, *Jacobus Bongarsius*, ad exemplum *Gviberti Abbatis*, titulum dedit: *Gesta dei per Francos*; nec negari potest, in regno Francorum hujus Expeditionis captum consilium, plurimosque ex illo Regno Principes militesque simul abiisse; id tamen nihilominus constat, ex Italis, Hispanis, Anglis, Danis, & omni pene Germaniæ parte, imprimis Alemannia seu Svevia, Bavaria, Saxonia, & Lotharingia, seu Belgica Germania, quæ tum tota conditionis Imperii erat, non paucos quoque, quâ primi, quâ medii ordinis, & ex plebe, interfuisse. Ipsum Gotefridum, Bullionis ducem, primum in ordine militiæ ducum, quamvis origine Francus esset, Principem tamen Imperii fuisse, & idcirco officio dignitatis Ducem Teutonicum recte, *Roberto Monacho* nominari, jam tum ostendit *Reinerus Reineccius*, in *Appendice*, ad *Chron. Hierosolymit. Anonymi* (seu potius *Alberti*, Canonici ac Custodis Aquensis Ecclesiæ, cujus illud esse, post *Reineccium* observavit *David Hoeschelius* V. CL.) ad lib. 2.



c. 1. quamvis *Gotefridum* in illa expeditione Legatum Cæsaris egisse, & idcirco auctoritatem ejus in exercitu præcipuam fuisse, bellumque ipsum ad Imperii Romani dignitatem pertinuisse, non usquequaque mihi persvadeat, vir aliàs doctissimus, & æternum historiæ in hac Academia, ordinisque sui decus.

Paullo ante ex Italia veniens Azo, Marchio Atestinus, Cunizam Welficam uxorem duxerat, & cum illa amplum patrimonium acceperat, ex eoque natus WELFUS IV. cognomento Robustus, ab Henrico IV. Cæsare successionem in Welfi III. Avunculi sui Ducatum Bavaricum impetraverat, princeps acer bello, & magnanimus. Hunc sine dubio etiam gloria stimulavit, ut militiæ sacræ nomen daret; cur tamen non statim cum Bullioneo aliisque iverit, causa me latet. Postquam vero, non uno loco Christiani virtutis suæ tropæa, multis urbibus captis, & inter eas ipsa Hierosolyma, erexerant, mortuo jam Gotefrido Bullioneo, ipse quoque, anno sec. XII. primo, itineri se accinxit. De qua expeditione merentur audiri verba *Conradi à Lichtenau*

adan, 1101. Abbatis *Urspergensis*: *Mox profecto populoſa & que penè priori poſſet numero duntaxat æquari, ſubſequitur: que, poſt auditas ultra ſpem res Hieroſolymæ proſperè geſtas, à reſiduis totius occidentis gentibus, maxime ab his, quorum prius votis timor vel diſſidentia, inopia, vel imbecillitas, obſtiterant, denuo parabatur, & primum ab Epiſcopis Mediolanenſi, Papienſi, cæterisque Longobardorum populis ad quinquaginta millia ſignatis, deinde à diverſarum provinciarum Teutonicis: poſtremo ab Aquitanicis, quibus Wilhelmus Pictavienſis præerat, præter vulgus, ad XXX millia loricatis. Cum hoc Wilhelmo, qui erat de ſanguine*



gvine Henrici III. Imp. se sociavit, suaque illi auxilia attulit Welfus Dux, pluresque alii ex Bavaria, Archiepiscopus Salisburgensis, Passaviensis, Ratisbonensis, aliique, nec non Ita, Princeps Austriaca, Leopoldi Austrii mater, (quos memorat *Aventinus*) castris se junxerunt Christianis, itinere per Bulgariam instituto. l. VI p. 481  
 Non favit tamen fortuna conatibus tantis, exercitusque gravissimè attritus est Alexii Imp. fraudibus, quod pluribus exponit modo dictus *Abbas Urspergensis*. Statim quidem inter initia à Duce Bulgarorum transitu ad Adrianopolim prohibiti sunt, sed ipso Duce capto, vi sibi viam fecerunt, Brachioque maris S. Georgii, seu Mari Propontico, superato, in Asiam trajecerunt, & non paucis præliis urbiumque expugnationibus, Phinimini & Salamiæ, hostes uli sint. At, consumptis ex longo itinere necessariis vitæ, cum inedia & siti non minus, quam cum hostibus pugnantes, amissis jumentis, fuga sædam mortem aut tristissimam servitutem redimere coacti sunt. Et vix ipse Welfus, Principis cultu abjecto, plebeja veste effugere potuit, toto exercitu quaque versum disperso. Convenit quidem iterum Welfus cum aliis Principibus Antiochiæ, de re communi consultaturi, quidam etiam Tortosam urbem expugnaverunt, Welfus tamen, voti reus, Hierosolymam religionis causa adiit sepulcrumque Dominicum vidit, unde patriam repetiturus in insula Cipro obiit, Paphi sepultus, quamvis deinde hæredes corpus effossum in Bavariam Altorfium detulerint, & in cænobio Weinspergensis honorificentius reposuerint, ceu narrant Bavari duo insignes Historici, *Joh. Aventinus* & *Joh. Aldsreiterus*. hist. I. l. 18 p. 516.  
 Fuit sanè Princeps magnus, & inter primos heroes



roes numerandus, quamvis infelici hac expeditione fortitudinem magis ostenderit, quam gloriam indereportarit, involutus eadem, qua maximi Europæ Principes calamitate, qui in illis sacris expeditionibus non suos tantum, fame, siti, morbisque malignis, & peste ipsa malignioribus simulatorum amicorum dolis, perire viderunt, sed maximam partem in itinere longo, extra patrios lares, morbis occubuerunt.

Hujus Welfi nepos, Henrici Superbi frater, WELFUS VI. dictus, itidem sacræ contra Turcos militiæ nomen dedit, cum Conradus III. Romanorum Rex magno exercitu, instinctu imprimis Bernhardi, Abbatis Claræ vallensis, in Syriam proficisceretur, Francorumque Rex Ludovicus eum mox cum suis subsequeretur. Plurimos Principes tum simul ivisse, ab Historicis annotatur, eosque inter *Guelphum*, de nobilissimis regni optimatibus eandem militiam cum multis professum fuisse, narrat, qui ipse expeditioni interfuit, Otto, Frisingensis Episcopus, Conradi Imp. frater. *lib. de Gestis Frid. I. Et Wilhelmus*, Tyrensis Archiepiscopus, in *Historia*, Eundem generali curiæ, quam apud Ptolemaidem celebravit Conradus Imp. interfuisse narrat, vocatque *Virum illustrem & potentem*, quamvis, quæ fatalis fuit infelicitas, hæc quoque *Expositio talem finem sortita fuerit*, ut aliis eum dicendum relinquere maluerit Otto Episcopus, cum, ut loquitur ipse, *historiam, non tragediam scribere proposuerit*, Helmoldus vero in *Chron. Slav. univ. f. 1. c. 61.* *fame & siti adeo contabuisse narret, ut incurstantibus Barbaris ultro cervices præbuerint, Rege & validioribus quibusque, qui neci superfuissent, in Græciam refugientibus, dolo Legatorum Græciæ Regis intercedente, qui in de-*



in desertum maximum eos deduxerat, cum in fines Persarum ducere debuisset, quæ etiam narrat *Arnoldus* l. 3. c. 10. *Lubecensis in supplem. Helmoldi.*

Horum exemplo HENRICUS, SUPERBUS vulgo dictus, rectius MAGNANIMUS, ejusque filius HENRICUS LEO, fortissimi & potentissimi Principes, suæ virtutis bellicæ gloria sine dubio orientem quoque, more seculi, illustrassent, nisi fatalibus cum Romanorum Imperatoribus dissidiis, & hinc, æmulum insidiis fracta potentia, imbecilliores, aut aliis bellis occupati fuissent. Henrici enim Leonis iter, quod splendido & magno plus quam mille armatorum, & aliquot Episcoporum, Abbatumque comitatu suscepit, quodque pluribus à Scriptoribus memoratur, & imprimis *Arnoldo Lubecensi*, religionis tantum, seu devotionis ergo, persuasione tum inter Christianos ita inolita, susceptum, satis constat, ut scilicet *pro peccatis suis sanctum viseret sepulcrum, & adoraret Dominum in loco, ubi steterunt pedes ejus*; refertque modo dictus *Arnoldus*, magnum hunc Ducem cum ab aliis Orientalibus, tum ab ipso Soldano Turcico benigne habitum fuisse; conatibus nihilominus ejus obstitisse Almericum Regem, & ipsos Templarios milites, quo minus utilem Christianæ Reip. operam navaret, ex *Galfrido Anglo, Sigeberti continuatore*, narrat *Reinerus Reineccius*.

Et vero, cur Saxonici Principes se bellis illis sacris, contra Paganos in oriente susceptis, non miscuerint, lubet hic in antecessum verbis gravissimi Scriptoris, modo laudati, *Ottonis Frisingensis*, exponere: *Saxones*, l. 1. c. 40. inquit, *quia quasdam gentes spurcitiis idolorum, deditas vicinas habent, ad orientem proficisci abnuentes, cruces*  
B 3
itidem,



*itidem, easdem gentes bello attentaturi, assumpserunt: à nostris in hoc distantes, quod non simpliciter vestibus assuta, sed à rota superposita in altum protendebantur. Quorum Cruce signatorum, in Slavos euntium, meminit quoque Helmoldus in Chron. ei que expeditioni universos Saxonie Episcopos, & Henricum (intellige Leonem) Ducem, adolescentem, interfuisse, diserte narrat. Quamvis autem Slavicum illud bellum absque notabili effectu fuerit, propter Principum discordiam, ut Otto Frisingensis notat, vel alias etiam ob causas, quas recenset Helmoldus, tamen deinde Henricus, maturiore ætate & virtute, res maximas contra Paganos illos gessit, dominansque in universa terra Slavorum, verè gloriari potuit in oratione ad Vicelinum Episcopum, terram illam Patres suos, favente Deo, in clypeo & gladio obtinuisse, & sibi possidendam hereditavisse. Nec minus Obotritos subegisse, omni que illi terræ Episcopos dedisse, obtenta à Cæsare, (quod nunquam antehac factum fuisse memini) auctoritate investendi illos per virgam, & recipiendi hominum, narrat rerum in Slavia gestarum peritissimus Helmoldus Chron. & post eum Arnold. Lubec. in supplem. Quod nec latuit Robertum de Monte Appendice ad Chronogr. Sigiberti Gemblac. ubi ad An. 1169, ita scribit: Henricus Junior, qui filiam Regis Anglorum duxit, super Paganos, scilicet Slavos, & Vindelicos, tantum acquisivit, quod ibi fecit tres Episcopatus. Ubi tamen pro Vindelicos legendum Vandalicos, sive ipsius Roberti, sive descriptoris imperitia intervenit. Quamvis igitur contra Turcos Henrici Leonis nulla, contra alios tamen in occidente hoc Paganos tanto major & fructuosior fuit expeditio, Christiana religione latè per hunc*

c. 28.  
 l. 2. c. 5.



hunc propagata. Filius tamen Henrici, & ipse HENRICUS dictus, felici dein matrimonio factus Palatinus ad Rhenum, bello sacro gloriosè interfuit.

Cum enim Imperator Henricus VI. A. 1195. incitatus à Cælestino Papa per Gregorium Cardinalem, in comitiis Wormatiensibus Sacram expeditionem decrevisset, exercitumque sexaginta millium de Svevia, Bavaria, Franconia, aliisque nationibus contraxisset, & ipse adornandæ expeditioni in Apuliam ivisset, multi quoque Episcopi, Principesque & Duces, & in his Henricus Palatinus, simul iverunt, magna felicitis belli expectatione. Sed, moriente interea Henrico Imperatore, quamvis omnes principes præsentés in Filii ejus Friderici fidem sacramento sese adstrinxissent, tamen dissoluto exercitu, sine magnis rebus gestis, omnes fere principes cum melioribus populi ad sua redierunt. Id tamen de Henrico Palatino narrare, intermittere non possum, cum Henricus Dux Brabantiae super totum exercitum esset ordinatus, illi inter alia Urbis, seu Castri, Choruti, unius diei itinere à Tyro distantis, oppugnationem fuisse commissam, quæ feliciter sine dubio successisset, nisi discessu Cancellarii Conradi & aliorum Principum versus Tyrum fuisset soluta. In illa enim gravissima obsidione Henricus cuniculis per Hartzicos metallarios, suffodiendorum illorum peritos, muros disjecit, stupente toto oriente ad incognitum oppugnandarum urbium & disjiciendorum murorum modum. Dicam verbis ipsis *Arnoldi Lubecensis*, qui ita narrat: Quia locus ille erat præruptus nimis, & quasi inaccessibleis, novum genus expugnandi, hostibus vero omnino incognitum, sunt aggressi. Fuerunt sanè ibi nonnulli de Saxonia,



Saxonia, quibus erat notum, qua arte excavatur mons argentarius, qui apud Goslariam multis est cognitus (Rammelsberg) Multo igitur labore expensaque plurima opus illud aggressus est (Henricus Dux) praefectis quidem operis vigilantius insistentibus, cooperatoribus vero castrorum in gyrum reciproca vice sese alternantibus. Cumque tali arte montem cavarent, appositoque igne, prout libuit, muros cadere facerent, hostes exterriti nesciebant, quid agerent, dum castrum subrui sine tormento murorum viderent: ipsi tamen simili arte fodere ceperunt, sed laborantes nihil profecerunt. Scilicet periti erant huius rei Metallarii Hartzici nostri, & jam antea Henrici Palatini Pater, Henricus Leo, in obsidione castri Dasenberg, cum omnem obsidionis & machinarum violentiam mons altior eluderet, viros industrios de Rammesberg vocaverat, qui rem difficilem & inauditam aggressi radices Montis perfoderunt, ut narrat *Helmoldus in Chron.* Orientalibus vero populis ista opera militaria haecenus fuerant ignota, uti sensim sensimque per seculorum decursus crescens, his demum ultimis seculis, invento pyrio pulvere, Arsilla ad summum fastigium pervenit, & hodie ab Henrici Leonis posteris, Serenissimis Dominis nostris, valde amatur, novisque inventionibus indies adaugetur, stupentibus itidem orientalibus populis.

Subsequuntur nunc ea tempora, quibus ambigua valde Celsissimae Domus fortunae, facere, quantum vellent, gloriosi Principes non poterunt. Henrici quidem Leonis filiorum alter, Henricus, Palatinatum Rheni acceperat, divite matrimonio auctus, alter Otto ad ipsum Imperialis apicis culmen ascenderat; accisa tamen per ablatus Ducatus potentia, ne ipso quidem patrimonio relicto integro,



intēgra, suo se metiri modulo & pede tertius filiorum  
 Wilhelmus, & secundis rebus servare coactus fuit.  
 Post illius tamen obitum, cum favere iterum fortuna,  
 ejusq; filius Otto, Puer dictus, Brunsvicensi & Lyneburg.  
 Ducatu à Friderico II. Cæsare investitus, in hac Saxo-  
 nia insignem potentiam recuperasset, restibilis mox Leo-  
 ninus vigor spiritusque exerere se coepit, alteroque à  
 reddita Ducali dignitate anno contra Paganos, non vici-  
 nos, (ne propagationem ditionis quæsisse putes) sed  
 remotos in Prussiam expeditionem suscepit. Scilicet  
 Militis ordinis Teutonici ex Syria expulsi in Prussiam  
 venerant, ibique non tantum terram Culmensē, in  
 quam à Conrado Masoviae Duce vocati fuerant, sed  
 magnam partem Prussiae, suam fecerant, continuo ta-  
 men cum Paganis ipsis pugnandum erat, dubiâ sæpe for-  
 tuna, ut Principum Christianorum auxilia avidè exspe-  
 ctarent & implorarent. Ad hos igitur juvandos pro-  
 pensus, voto quoque se obstrinxerat Otto. egregiorum-  
 que militum septingentorum exercitu coacto itineri  
 se dedit, opportuno tempore, cum ad angustias reda-  
 ctæ essent res Ordinis, & ipse Magister Provincialis Her-  
 mannus de Balke in castro Balga, quod paullo ante ex-  
 pugnaverant, obsideretur à paganis Prussis, qui omni  
 modo, excitato etiam è regione alio castro, Partigal  
 dicto, aditum obsessis præcludere, fameque ad deditio-  
 nem compellere nitebantur. Otto vero Dux tanta virtu-  
 te obsidentes cum suis invasit, ut, obsessis itidem egres-  
 sis, non liberaretur tantum castrum, sed pagani *ad in-  
 terneccionem delebantur, ita, quod unus ex eis non reman-  
 sit, qui eventum talem posteris nunciaret*, ut loquitur  
*Petrus de Duisburg*, Ordinis Teutonici sacerdos, in

C

Chron.



*Chron. Pruss.*, ante 350. amplius annos scripto, *part. 3. c. 26.* quamvis *Principem & Ducem de Brunshwig & de Luneburg* tantum, nullo addito proprio nomine, vocet, à Nicol. *Jeroschino* tamen, qui Duisburgium Germanicè vertit, Ottonem diserte appellari, rectè animadvertat vir doctissimus *Christophorus Hartknochius*. Quo ipso de toto ordine & Christianis optime meritis, præsentis periculo eum eripuit, & dein ulterius cum illis progressus, Castrum Partigal expugnavit, & funditus evertit, firmataque in Balga sede, sæpius intra anni spatium præliis cum iis habitis eò necessitatis redegit, ut Warmienses, Nattangienes, & Bartheneses fidei & imperio ordinis Teutonici Militum sese dederent, majore incertum illorum emolumento, an Ottonis gloria, qua reversus in Imperio claruit, dignus Henrici Leonis nepos. Ut vero sibi similes progenerant Leones, ita Ottonis filius ALBERTUS Magnus, ejusque Albertinepos LYDERUS uterque sacra hac militia, quæ tam feliciter Avo cesserat, inclaruerunt. De Alberto Magno id legitur in *Additam. ad Lambert. Schafnab.* & in *Monachi S. Ægidii Compilatione Chronolog.* editis à Pistorio. ad 1265. quod allatis de ciade Militum Teutonicorum, occupatusque eorum castris, nunciis, cum Ottone Marchione Brandenburgensi, ejusque filio, & Alberto Landgravio Thuringiæ, multisque aliis in Prussiam contra Paganos cum signo crucis profectus fuerit. *Petrus de Duisburg* non simul hos venisse, sed Anno 1265. Ducem Albertum, & Landgravium Albertum, anno vero sequenti Ottonem Marchionem Brandenburgensem, & filium ejus, & fratrem carnalem; in eo tamen conveniunt, quod propter lenitatem seu molliem hyemis nihil efficere potue-

t. 1. Script.  
Germ.

part. 3.  
c. 120.



potuerint, sed derelinquere Christi fideles terræ Pruschiæ in magnis suis periculis coacti sint, cum tamen Otto ante abitum Castrum à nomine Marchionatus sui Brandenburg prius ædificasset. Hujus Alberti Magni nepos ex filio Alberto, L V D E R V S, militiæ saræ grave onus in Prussia secutus, Commendator in Christburg fuit, & hinc a. 1331. Magister Generalis Ordinis Teutonici factus est. Annos quidem quatuor tantum regiminis sui numeravit, multis nihilominus ædificiis, urbibus, & arcibus extructis inclauit, quæ tamen non uno modo ab omnibus numerantur. Apud *Buntingium ultimæ editionis Meibomian*, p. 233. Birshe, Konin, Kalisch, Siraz, Lantzilig, Spilenberg, Inglestavia recensentur Urbem Bartensteiniam ab ipso ædificatam esse, ex privilegio foundationis Bartensteinensi urbi A. 1332. concessio, constare scribit *Hartknoch. ad Duisb. Chron. part. 3. c. 116.* quamvis ipse *Duisburgus* circa castrum Bartenstein civitatem à Theodoro de Aldenburg excitatam memoret, à Ludero vero Civitatem circa Castrum Ylsenburg conditam scribat. In *Supplemento Chronici Pruschiæ Auctoris incerti c. 22.* *Luderus* Magister generalis pacem fecisse scribitur, & concordiam cum Rege Polonorum, redditis quibusdam terris. Verum rectè notat doctissimus *Hartknochius*, factum id esse, non *Ludero*, sed *Ludolfo Rönig Prusiam gubernante*. Si enim id an. 1343. contigit, Luderus jam mortuus fuit ante octennium. Anno secundo regiminis sui Königsbergæ cathedralem Ecclesiam à S. Spiritu, quæ in veteri urbe erat, arx quondam, transtulit in Pregelmundam seu Kniphovium. Invenit autem deinde in eadem sacra æde sepulcrum suum, in muro chori reconditus, monumento adhuc hodiè inter alia Magistro-



rum Ordinis, & dein quoque Marchionum Brandenburgerum, superstiti.

Defuit deinde, decurrente seculo, occasio, qua contra Turcos suam fortitudinem, vel Christiano Orbi pietatem approbare possent Duces nostri, districti etiam ipsi aliis bellis cum vicinis, interveniente miserabili Friderici, ex hac Serenissima domo electi Cæsaris, in via publica, cæde. At mox secuta sunt illa tempora, quibus Turcarum potentia in immensum aucta, captâ Constantinopoli, & deleta Græcorum imperio, gravis Venetis, gravis Vngariæ esse cæpit, tanto deinde Germaniæ viciniore & certiore periculo, quo propius nexa, per Austriacos, Augustos nostros, Germaniæ Hungaria. Factâ tum sub Friderico III. horrenda invasione in Carniolam, vastatâque terrâ & abductis incolis, cum Imperator periculi magnitudinem prudenter expendere, in Germania conventus Imperii indixit, & præsertim Ratisbonæ A. 1471. in Comitibus, numero Principum præsentium splendidissimis, communem expeditionem urisit, & subsidiorum rationem modumque iniit, cum alias per Epistolas Pontificem Maximum, & ipso quoque coronationis suæ tempore Nicolaum V. de Christianorum universali expeditione contra Turcos per *Æneam Sylvium*, Legatum suum, gravi Oratione ( quæ in *Ejusdem Historia Australi* extat ) moneri fecisset, piæque ipsius voluntatis, qua Christianos sub barbara servitute gementes per manum suam, aut filii sui Maximiliani liberare cupiebat, testes sint preces, quotidie ab eo ad

p. 86.

p. 174.

Deum fusæ, quas ex libello ejus publicavit *Caspar Bruschius in Monasteriolog.* Obstiterunt verò tum aperta cum Palatino, tum occulta Germaniæ Principum dissidia, quo minus bellum inchoaretur, aliisque etiam de causis



causis amplissima illa Comitia Ratisbonensia sine effectu  
 fuere, quarum aliquæ in *Job. Antonii Campani ad Jacobum*  
*Cardinalem Papiensem Epistolis*, apud *Freherum* ex-  
 ponuntur. Eius quidem filius quoque Maximilianus, T. II. p. 147.  
 æmulis suis renitentibus, bellum inferre Turcis non po-  
 tuit, (quod in memorabili cum Regibus Hungariæ, Bo-  
 hemiæ & Poloniæ congressu, gravi oratione, quæq; au-  
 dientibus lacrymas exprefferit, conquestum esse, narrat  
*Cuspinianus*) cum tamen illi in Croatiam A. seculi XV p. 490.  
 nonagesimo tertio irruissent, vastitatemq; minarentur,  
 fortissimè restitit, & sua defendit. Et hic quidem me-  
 morandus nobis est ERICVS Dux Brunsvicensis & Ly-  
 neb. filius Wilhelmi. Magnus erat Princeps Maximilia-  
 nus I, & prudentia paucis comparandus, & virtutis ju-  
 stus censor: Non temerè autem alium Principem habu-  
 it cariorem Erico nostro, pro quo per Legatos in Bapti-  
 smo fidejusserat, nec alius melius de ipso, quod præfi-  
 scini dixerim, meritus fuit. Educatus in Aula Cæsaris à  
 vigesimo ætatis anno, & ad militiam & grave Martis o-  
 nus tanto auctore ductus, omnium bellorum, quæ plu-  
 rima fuerunt, socius, in præliis Comes, in Ratisbonensi  
 ferocissimo conflictu, Cæsaris, si à Deo discesseris, sospi-  
 tator unicus, eum, cum ferrea clava percussus lapsum  
 minaretur, alteri equo impositum periculo manifestis-  
 simo eripuit, fidelitatem suam ipse, non paucis vulneri-  
 bus, & vitæ pene periculo, luens. Quo quidem finito  
 prælio Cæsar Ericum solemnibus ceremoniis Equitem  
 creavit, & insignibus Avitis, caudæque Pavonis in Galea  
 eorum conspicuæ, Stellam lucidam inseruit: Quæ ho-  
 dieque sex radiis suis fulgurat, fidei in Cæsarem æterna  
 testis, quam nunquam non Serenissima domus, & nunc  
 quo-



quoque hoc novissimo bello evidenti documento probavit. Sed de ERICI fortitudine bellica, quam in Gældricis, Flandricis, Helveticis, Italicis bellis, duodecies iusto prælio victor, toti Europæ exhibuit, alibi plenius dicendum erit; nunc enim prima tantum quasi tyrocinia, quibus vigesimo tertio ætatis anno contra Turcas Veteranorum Ducum gloriam æquavit, explicanda sunt. Evocaverat Turcos Comes Frangepanus adversus Emericum Croatiae præsidem, facilesque illi ad talia totam Provinciam inundarant, rapinis ubiq; omnia devastantes, quibus ut celerrimè occurreretur, quindecim militum millia coacta sunt, iisque à Maximiliano junior hic Dux Brunsvicensis præfectus est, qui eo eventu conflixit, ut superato hoste, fuis multis, fugatis reliquis, Cæsari illustris victoria, Croatiae libertas & tranquillitas, Erico maxima gloria cederet. In Breviario rerum à Maximiliano gestarum, quod tabulis inscribi, & in Aula Nova Oenipontana suspendi fecit nepos ejus Ferdinandus I. hæc N. IX. leguntur: *Turcarum ingens multitudo, quæ in Croatia & Slavonia cuncta ferro & igne vastaverat, solius ipsius auspiciis, ac aliorum ope nequicquam implorata, inde ejecta.* Rectè quidem, *solius Maximiliani auspiciis, ac aliorum ope nequicquam implorata*, ductu tamen, virtute, & prudentia militari ERICI Brunsvic. & Lyneb. Ducis ista perpetrata sunt.

Fuerunt sequentibus Cæsaribus bella cum Turcis gravissima, imploratisque ab iis in subsidium Principibus Imperii, nunquam quoque cessarunt nostri Duces cum aliis auxilia ordinaria submittere, non parum licet ipsi, fervente in Germania Religionis dissidio, Hildesimensi, Smalcaldicoque bello, & Brunsvicensi quoque, enervati.



nervati. Cum deinde aliquando Pax vel induciæ fuissent, sub Rudolpho II, Anno superioris seculi nonagesimo tertio, Amurathes, nulla tributi solvendi spe deliniendus, maximum bellum inchoavit, cui quidem ex omnibus hæreditariis provinciis collectum exercitum opposuit Cæsar, simul tamen per Legatos, cum ad Reges Christianos, tum præcipuè ad Principes Imperii missos, auxilia poposcit, nec frustra, magna ab his pecuniæ summa, & majori, quam unquam antehac, promissa. Non defuerunt quoque Principes, qui Ipsi, conscriptis militibus, bello pro salute Reipublicæ Christianæ gerendo interesse studerent. Quos inter ex Ducibus Brunsvico-Lyneburgicis, AUGUSTUS, Senior dein dictus, Ræceburgensis Episcopus, Wilhelmi filius, Legionem equitum Cæsari adduxit, Strigonique obsidionem masculè urisit, eamque invitis, ejusdem cum multis Principibus consilii, & ægerrimè solvit. Nec intermisit, aliquot annis elapsis, cum immanitatem Turcæ, & metuendos ejus, recepta Alba Regali, progressus, vindicaturus cum aliis Christianis Cæsar vires suas omnes ad Budam expugnandam converteret, alios iterum mille milites, unâ cum fratre suo FRIDERICO, adducere. Fuit illa oppugnationis nobilis, anno secundo hujus seculi suscepta, supremo Duce Hermanno Christophoro Rueswurmio, ipso dein Archiduce Matthia in Castra adveniente, expugnationemque omni ope promovente, occupato jam Pesto, licuitque Serenissimis Fratribus plurima observare, quid in bello artes, quid igniariæ machinæ, quid fortium virorum virtus & prudentia possent, operumque pars magna ipsi fuerunt. Quo minus tamen generosè cœpta obsidio optatum eventum fortiretur, fortitudo ob-



obfessorum, sed potiffimum anni incommodum tempus, mense Septembri inchoante, aëreque mutabili & inclemente, operibusque bellicis pariter, & gelido sub Jove manentibus copiis inimico, fecit, urbemque deferere coëgit. Nec minus ex altera stirpe Wolfenbuttelenfi magnus Princeps, HENRICVS JULIVS, fratribus Augustis RUDOLPHO & MATTHIÆ maxime carus, & ob prudentiam meritaque æstimatiffimus, obsequium suum difficillimis illis temporibus probaturus, auxiliares copias suas in Hungariam misit, mille equitum, & bis mille peditum, easque tres menses suo stipendio aluit.

Sic igitur à tot seculis, ad usque Patrum nostrorum memoriam, semper Brunsvicensium & Lyneburgensium Duces iis se bellis miscuerunt, illiusque gloriæ partem habere voluerunt, quæ ex Christi nominis sanctique cultus propagatione & defensione nascitur. Neque vero minor Ducum, qui vel nostra memoria vixerunt, vel hodieque terras has feliciter regunt, ardor observatur: nec sacra illa cum aliis quibusdam Principibus æmulatio cessat, sed deficientibus in vicinia infidelibus, tuto satis à Septentrione latere, ad Orientem conversi, Turcorum vim infringere, illorumque conatibus obicem ponere annituntur. Laudandis tanto magis hodie Principum contra illos expeditionibus, quanto difficilior omnes illæ olim in Palæstinam susceptæ excusantur. Si enim justa lance rem perpendimus, Romani quidem Pontifices, quorum in Christiano orbe maxima erat auctoritas, vitæ æternæ præmium illis proponebant, qui sacro bello initiandi cruce signarentur, idque non tantum ipse Principibus inculcabat, sed per emissarios suos,



os, homines devotos, monachos, eremitasque, vulgo passim prædicari faciebant, incredibili hinc multitudine confluyente: non tamen bellorum illorum iustitia ita manifesta est, quin potius superstitiosum & nullius momenti videtur, dicere, terras illas, quas olim suis cunabulis; suæ in his terris moræ & sanctissimæ vitæ; suæ à Christianis nunquam satis æstimandæ morti; suo sepulcro; & gloriosæ non minus, quàm proficuae nobis resurrectioni & in cælum ascensioni, certo & nobis non penetrando consilio, destinavit CHRISTUS, illas, inquam, terras eripiendas esse, vi & armis, Possessoribus suis, qui Christum non agnoscunt, & omnem ejus doctrinam ludibrio habent, cum nullum hujus rei à Deo habeamus mandatum, idem vero jubeat, & recta ratio suadeat, suum cuique relinquendum esse. Tantum sanè abest, ut quis cælum mereri tali sacra ad recuperandam Palæstinam militia possit, ut merito pius quisque & prudens dubitet, an salva conscientia arma sumere contra illos possit, qui nihil sui possident, & à quibus nulla injuria laceffit. Horret penè animus cogitare illa bella Christianorum, per ducentos annos in Oriente nulla justa de causa gesta, tanta cum sanguinis ab utraque parte effusione, tot myriadum miserabili interitu, Deo nunquam ferè armis illis benedicente, impietate etiam passim inter ipsum piæ & sacrae militiæ nomen transparente. In Occidente, quoniam à Barbaris illis gentibus, in alienas terras sese effundentibus, semper Christianis erat metuendum, alia videbatur ratio, suscipiendi contra finitimos belli, defendendorumque finium imposita quasi necessitate. Et sic quoque laudanda Pontificum Romanorum, postremorum seculorum, consilia & conatus,

D

qui



qui Saracenorum & Turcorum observantes progressus, expectare noluerunt, donec Tiberi appropinquarent, & Capitolio, sed mature avertere ab Italia, concitatis contra eos Christianis Regibus, voluerunt. Laudandi hoc nomine cum alii Pontifices, qui sub Imperio Frederici III & Maximiliani I. id egerunt, tum maximè, ante hos centum annos, Pius V. qui & ipse cum Philippo Rege Hispaniæ Venetisque belli contra Turcas gerendi societatem iniit, aliosque Principes Christianos, non Imperatorem tantum, & Galliae, Lusitaniæque, sed etiam Persarum, Æthiopum, & Arabiæ Felicis Reges & Moscovitarum Magnum Ducem, Genuensemque Rempubl. & Melitenses Equites, ad bellum terra marique contra Turcam gerendum incitavit, missis cum legatis, tum litteris, quæ insigni gravitate & zelo scriptæ supersunt. Planè, ut hodie Innocentius XI. Pont. Max. nulli operæ parcit, nec thesauris suis, ut, Christianorum Regum adunatis viribus, Turcæ potentiam ita frangat, quò molestus esse vicinis suis desinat, & de turbanda Italia Christianoq; orbe cogitationes suscipere nequeat. Cum enim Mahumetani bellum in Christianos semper licitum esse, & in illo militantes æterna præmia mereri credant, Imperatores Ottomannici dominandi & imperii extendendi quoque cupidi, militem paratum & numerosum ad manum habeant, quis prudentior non à vicino Principe, qui & velit & possit nocere, metuat sibi? verà nunquam inter potentes & in validos, sed simulata tantum, quiete. Quis non de eo in ordinem redigendo cogitationes prudenter & maturè suscipiat? Quis, porro, solis illum Venetis- solique Hungariæ excidium putet servitutemque minari? quis non potius cum Poeta:

*Atq;*



*Atque adeo hos quoque, si vincat, nihil abfore  
credat,*

*Quin omnem Hesperiam penitus sua subjugam  
mittat,*

*Et mare, quod supra teneant, quodque alluit  
infra.*

Quod si forte interdum necessitate cogente pacis aut induciarum se subiciat legibus, de extirpanda tamen Christiana gente nunquam non cogitationes suscipit, & proinde illi quidem, quibus vicinus est immanissimus hostis, magis, quod metuant, habent, non minus tamen remotiores alii, exemplo Vlyssis in Polyphemi antro, ultimi quidem in ordine, sed devorandi tamen.

Cum igitur ante hos duos & viginti annos totis viribus Hungariæ regno incumberet crudelissimus hostis, & jam, capto Neuheufelio, vastis cogitationibus de Danubio ad ostium usque suum subjungendo, & vastanda Germania, indulgeret, Duces Brunsvico-Lyneburgici, AUGUSTUS, CHRISTIANUS LUDOVICUS, & GEORGIUS WILHELMUS, periculum imminens æqua lance perpendentes, communicato cum conjunctis, ex Francofurtensi fœdere, Principibus consilio & viribus, septem Legionum exercitum simul, Duce supremo Comite WOLFGANGO JULIO HOHENLOIO miserunt, omni bellico apparatu instructissimum, qui cum alibi, tum imprimis, in illo maximo prælio ad S. Gothardum 1. Aug. die 1664. felici-



(28)  
ter commisso, virtutis suæ bellicæ, quâ Duces, quâ milites, specimina plurima ediderunt, eo eventu, ut non tantum fugato hoste, cæsoque exercitatissimo Janissarorum milite, victoria tum ingens reportaretur, sed etiam pax non diu post hosti exprimeretur, totius Christianæ Reip. bono.

Nec tamen ita fracta erat Turcæ potentia, ut non alibi, in insula Creta, gravis esset Venetis, gravior etiam nunc, viribus coadunatis. Et jam continuo viginti quinque annorum bello succumbere immensis sumptibus, & alendo tam copioso militi, opulentissima licet, Respublica Veneta videbatur. Et tamen quiescere penè, vicini pariter & remotiores, nec periculum satis perpendere, paridesidia, ac olim, somno quasi sopitis Regibus ac Principibus, capta est Constantinopolis, & Orientis imperium subductum Christianis, errore nunquam satis pænitendo. Fuerunt tamen, qui justo tandem rem tantam examine trutinarent: & tum quoque Serenissimorum Ducum nostrorum erga publicum bonum prudens propensio, & erga Rempubl. Venetam singulare studium apparuit, quamvis remoti essent, nec commercia maritima illis ulla. Tres Serenissimi Fratres, pari prudentia, pari affectu, GEORGIUS WILHELMUS tres legiones, JOHANNES FRIDERICUS unam, ERNESTUS AUGUSTUS insignes quoque cohortes, duce JOSIA, WALDECCIO COMITE, eximio Heroe, submiserunt: quorum virtus ita enituit, ut nisi in animam jam agentem Insulam pervenissent, conservare illam potuissent crediti ab omnibus fuerint, loquente illorum fortitudinem imprimis Munimento S. Andreæ, fuso multo generoso sanguine, ipsius etiam Waldeccii.

Illo



Illo ex tempore à Barbaris hostibus quies, & enatis inter Christianos bellis, Germaniaque totâ armata, & inter arma divisâ, tuendis finibus suis, defendendæ Principum libertati, reducendæque quieti operam dedit Serenissima Domus, ingentemque exercitum magnis sumptibus aluit. Simul ac tamen ad Danubium faustos infidelium progressus advertit, ut, vix dum defensa Vindobona, Imperatoria sede, Buda frustra obsessa, exitium Ungariæ, vastitas Germaniæ, periculum toti Christiano orbi impenderet, potentem manum, Albis hætenus & Visurgis tutamen, liberando Danubio submiserunt. Nec Cæsari tantum omnes Principes nostri, vinculo Reipubl. nexi, sed Venetis quoque seorsim ERNESTUS AUGUSTUS plures legiones misit, in Græcia ipsa Turcas oppugnaturas, ut nullibi non Ducum gloria sese exereret. Non dubitamus, DEUM affore piis conatibus, à quo omnes triumphi pendent: quantum etiam humanâ conjecturâ assequi valeamus, non nisi Victorias ab illo insigni exercitu nobis promittimus. Non enim ex promiscua plebe, tumultuario coactus, non ab aratro noviter abstractus miles, sed veteranus penè omnis, quem dudum usus & durî vario sub Marte labores, ad Albim, ad Visurgim, ad Oderam & Mosellam, fallor? an ad ipsum Danubium, & in Creta olim, pugnis, victoriisque excoluerunt. Ne de peritia Tribunorum, prudentia Ducum, habitu decenti militum, copîa armorum, tormentorum & igniarii operis abundantia quicquam dicam. Et nunc omnes imprimis animat, quod Serenissimi Principes juniores simul eunt militatum. Quis non ex gregariis quoque credat, illius exercitus magnam fore imposterum curam, cui ex Ducali sanguine Caput, tanquam pignus, da-



tur? Neque vero, ceu quondam ad primum illum Thracicæ tempestatis turbinem, & superfusæ Barbariei diluvium, hodie amplius trepidamus. DEUM enim nos nondum deferere, docuit Vindobonæ, memoranda Annalibus, liberatio. Venetorum quoque vela à pristina adhuc fortuna inflari, pectoraque illorum avita virtute accendi, docuere præludia maritima, omine, nisi fallor, felicissimo. Capta est nuper Prevezza, victoriæ quondam nomine nota, & Nicopolis dicta, ab Augusto Cæsare in monumentum Aëtiacæ Victoriæ extructa. Nunc illa victrix classis Hellesponti faucibus minatur, & per tot secula libertatis parens à Græcia quondam libera Barbaricum jugum excutere nititur. O! sit per Nicopolin captam erectum victoriarum perpetuum signum, illoque in mari, quot bellicæ hodie Venetorum naves visuntur, tot victoriæ paucos intra annos numerentur!

Sed desino in nostris Ducibus, qui nunc eadem opera Austriacos Venetosque beneficio, omnes principes obstringunt exemplo. Sit Domus Serenissima Brunsvico-Luneburgica semper infidelium inimica persecutrix, sit hostis hostium Christi, finesque patrios ab irruptione Barbarorum tutari satagat, nec unquam illi tituli in posteris consenescent! Proben Juniores Principes piis his experimentis fortitudinem suam DEO, illoque auctore bellare discant!

*Ite alacres! nam Vos majoribus ire per altum  
Auspiciis, manifesta fides, quando impiger ævi  
Sanguis*



*Sanguis adhuc, solidaq; suo stant robore vires.  
 Consulite in medium, & rebus succurrite fessis.  
 Illyricos penetrare sinus, regnare per urbes  
 Argolicas, mediosq; viam tenuisse per hostes,  
 Cura sit una Ducum, pergant ipsiq; Nepotes  
 Tutari patriam, & Turcorum exscindere gen-  
 tem!*

---

Corrigenda.

[ p. 6. lin. 10. pro 1032. l. 1302.






170  
Languis adhaere, solidas, suo sunt robore vires.  
Consulte in mecum, Et seque faciemque fatis.  
Illicor penetrare sua, regnare per arces  
Argolice, machos, vnam tenuisse per hostes.  
Cura sit una Ducum, pergant ipsi, Nepotes  
Patavi patrum, Et Tarcorum exstinguere gentem.

seu.

Corrigenda

l. 6. lin. 10. pro 103. l. 130.



564458



PRÆMATURUM OBITUM

*Carissimæ Sororculæ*

CATHARINÆ  
MARINÆ IOHANNÆ  
MEIBOMIÆ

lugent

DANIEL HENRICVS

HERMANNVS DIDERICVS

CHRISTOPHORVS ANDREAS

MEIBOMII FRATRES

HENRICI FILII

*Nata est. 16. Iunii. 1676.*

*Denata 9 Febr. 1677.*



HELMESTADI,

Typis HENRICI DAVIDIS MULLERI.





**I**ngenui Iuvenes, quæis multum provida mite  
Natura ingenium & mollia corda dedit.  
Si quisquam inter vos, qui vidit acerba sororis  
Fata suæ, & gelida contumulavit humo.  
Adsit, & antiquos repetens nunc mente dolores  
Ad lacrymas nostras addat & ille suas.  
Et meliora etiam ad tristem det carmina tumbam,  
Quæ nil languidulum, nil puerile habeant.  
Nos pueros luctus, nos ignorantia tardat.  
Solut amor streperos trudit ab ore sonos.  
Accipe fraternos, dulcis Soror, accipe fletus,  
Hoc capite, his oculis carior una Soror.  
Iure quidem Patris & Matris præponimus ignes:  
Palma tamen nobis altera in amore manet.  
Te, cœu rivales, nos inter amavimus omnes,  
Primus amore tui quilibet esse volens.  
Somniferos quondam ad cunas tibi pandere lallos  
Capimus, ut tegetet lumina blanda quies.  
Nunc damus ad tumultum lacrymas, feraleque carmen,  
Dum tua sunt (eheu) lumina clausa nimis.  
Lumina, quæ radiis vincebant sidera, & omnes  
Eo gemmas occiditque maris.  
Quo calamo tua scribetur concinna venustas?  
Quis tua de Pario marmore membra canet? *Illud*



3  
Illud frontis ebur, quæ quanto latior extat,  
Tanto plura bonæ munera mentis habet.  
Quis teneros risus, & mollia murmura dicet,  
Tortaque in angustos pulcra labella sinus?  
Illas blanditias vultus, oculosque loquaces,  
Quis poteras mentem prodere mutâ tuam?  
His tenerum nobis contestabarî amorem,  
O soror, ô patriæ lucida gemma domus:  
In te splendebant venturæ semina mentis,  
Semina magnorum non temerata patrum.  
In te virtutes, pietas, probitasque, pudorque  
Sperabant sedes mox se habitura suas.  
Nemo puellares assurgere vidit in iras:  
Nemo malæ in vultu signa inimica minæ.  
Et fuit in morbo patientia mira tenellæ:  
Non lacrymam elicit tussis anhelæ tibi.  
O! quoties nobis Mater: sic vivite, dixit.  
Exemplum valuit nobile nemo sequi.  
Hinc, seu blanda genas, seu proxima colla Parentum  
Brachiolis peteres, basiolisque tuis,  
Præripere affectus nobis Genitricis amatæ,  
Et totam poteras conciliare tibi.  
Risimus, & nunquam livor nos ussit amarus:  
Quin fuit hinc noster sic duplicatus amor.  
At nunc, Cara, jaces, extremo frigore tacta  
Eque tuis tabiis purpura nulla micat.

Mœstia



*Mœsta Parens clamat, dum cunas cernit inanes.  
At dum sarcophagum, victa dolore cadit.  
Angulus in Patriis non ædibus ullus, ubi non  
Queratur nobis voce oculisque Soror.  
At MARIAM frustra, frustra querulo ore ciemus,  
Feralis nostrum possidet arca decus.  
Et tamen in somnis tua dulcis oberrat imago,  
Et MARIAM in somnis murmura nostra vocant.  
Vna quidem moreris MEIBOMÆ filia stirpis,  
Sed gemitus plures ad tua busta trabis.  
Te Genitor, Genitrixque, Agnataque nomina deflent.  
Te fratrum in compto carmine trigemit.  
O juvenes, si quis vidit quoque busta Sororis,  
Ad lacrymas nostras addat et ille suas.*



5644500